

苟河文集

笥河文集卷二

大興 朱筠 竹君

聖謨廣運平定準噶爾恭紀四言詩百韻

謹序

臣伏見

皇帝陛下六龍時乘德與天一四表兩間無不周澈
御極以來奉

皇太后再巡

盛京謁

三陵展孝思東升泰山

幸闕里以祀孔子南巡江浙

躬省民事皇哉大禮備物未嘗有也金川小賚卽殄卽平乃者準噶爾部僻處西荒世其凶德

皇祖

皇考張甲撻伐不訖于誅天厭厥類其孽子喇嘛達爾札
暨亂臣達瓦齊更相篡竊虺蜴荼蓼厥部離心時
則台吉車楞車楞伍巴什等暨阿睦爾撒納等數
十萬戶敏闢乞降

天子爲幸熟河菴而享其人飫沃謹呼同請効命

皇帝神謀天斷乘時發機乃

命將軍出師討之卽用其人導師前行西北兩路同日

迅發千軍萬騎馳越乎瀚海若駁沸雪若風荆草
目克烏梁海至于阿爾泰山梁更數十部落台吉
宰桑厥角恐後我師入于伊犁降青海叛人羅卜
藏丹津及其二子又獲逋酋巴期孟可等悉俘以
來師涉伊犁河而西標山趾川掃蕩蹈壘用夜入
其鄂立土營賊兵負山面滯自相驚躁追擒其孥
屬部人達瓦齊以其子及數十人走和集斯伯克
盡獲之以獻捷聞

皇帝躬至

太廟徧告

郊

社

山陵越名山大川羣臣講上

尊號不許乃以吉日加上

皇太后徽號爵勲賚功周布

恩澤與天下大釐俘至獻于

祖

社

皇帝御午門以觀辰旂豹罕球鏞鏞鼓飛揚鏗鎗百秩
敘進咸頓首賀臣伏念易稱高宗殷之盛天子其

伐鬼方三年而克之若是難也小雅詩人欲張大宣王之功曰薄伐玁狁至于太原若爲荒徼絕域之辭所以震蕩心目刻畫金石然或遲之三年之久近在晉國之地猶且照曜方冊其烈燦然至古所稱王者之師不戰而屈人萬里之外蓋有其言而無其事今準噶爾去

京師尚不啻萬里出師不逾二時不見一鋒一鏃之遺而大功克奏聞師入伊犁之日椎髻之婦未覩之童望我旗纛若慈父母惟

皇帝陛下神聖文武天之所授日麗霆發飈靈雨甘百

神效職惟所左右誠非尋常所得擬議萬一者也
臣謹作四言詩一篇竊欲準古經義潭思極精所
以導揚

天子之光明式于世世其詩曰

皇帝聖德自天受授風霆在左雨露在右惟十四年蜀
微蠭聚燭其蟊賊內訌外媾

皇帝命相一撻十仆父子面縛乞命邊堠準噶爾部西
極是守人孰信義若羣鳥獸

聖祖獵之朔漠三狩

世宗命將再彈再設策凌有子非種而穀不如鳥鼠同穴

相門是召亂臣達瓦齊寇通名

天朝不自寢陋甘其下人以飽鳴囁諸部瓦解呼天內附

皇帝曰嗟汝遠無告宅汝子所飯汝子糗享之熟河厥長

賜綏咸拜獲命死曷以報

皇帝曰吁渠魁可宥將軍出師來者爲副伐罪去疾往哺而數十九年秋

帝謁

祖考以禱出師淮

列聖祐天策旣發西北兩道師行三十其里萬數乃齊
詔書壯士馳驟所過部落山川嶽岫譯長宣布咸使聽
觀各逐汝草各牧汝畜除汝敗羣安汝老幼無驚
王師駭鹿激鶩乃聞乃來若渴飲酌跋海踰嶺集賽是
蹠台吉朝迓宰桑晏候奉上玉盤膜拜獻侑弋不
舍牲耕不改耨台背而扶垂髫而走草榮木長雞
拊犬嗾僕我

王師躍躍遡迤旆旆大纛長途不留天風吹颺五綵繪
繡沙漠萬里如行中霧無警共營無頓其宿不戮
一人不遺一鏃直抵伊犁諸部盡收逋醜旣翦叛

藩自首賊曾顛倒無所竄伏小犯大兜取之自竇

三捷上

聞告

廟用祝陳設圭瓚奉冊進讀

皇帝躬入潔齊盥漱曰自我

祖萬邦是操大甲長弓垂法嗣後惟茲大勳尚率由舊用

牲子

社

上帝類造神靈肸蠁福應來奏

山陵峩峩遣

皇子赴登降執禮觀于堂構羣上

尊號謙讓至又聿以吉日奉

皇太后崇號

純禧金冊玉鑄乃

坐正殿受羣臣朝

詔告天下自海不胄五公四侯望秩烽標高爵厚糈功
大必售晉秩有位升俊教胄存問熒獨讞獄平復
葺廢決滯剗瑕剔疚

恩澤三十莫不周究爰以俘來牽頸袒肉左命於

祖右

社告奏

帝登午門日出當晝饒轡鼓伐金石撞扣凱樂大作日
 併是受司馬司寇百職咸具頓首上賀拜舞衣袖
 雷電軒豁乾坤明秀

皇帝大德上與

天茂長養萬物日月所透至誠感通各得中孚

皇曰念哉與天下穀

皇帝大文經緯宇宙始金終玉高成深就配子文命上

刻岣嶁

皇曰勗哉與天下裕

皇帝大武止戈獻豆燶燶黃鉞孰敢叫吼有不恭順視

厥頸脰

皇曰戒哉與天下懋

皇帝大功亘古莫較東西之廣南北之袤帝不能羅王

不能囿

皇曰敬哉與天下富

皇帝大孝撫龐浹流萬國合歡四靈爲鬯以天下養極

于載覆

皇曰康哉

皇太后壽小臣頌

德舉一萬漏敢辭不文竊比皮籀

聖駕南巡典禮慶成恭紀柏梁體詩一百韻謹序

臣謹言伏惟

皇帝陛下神聖文武與

天合契乾隆四十有五年春正月實五舉南巡狩之典慶

澤大洽况又適逢

聖壽七旬無疆惟庥始和布

詔萬國歡舞臣以奉使課廸士子遠職閩疆不獲踰走

屬車先後親觀

盛典偕從江浙士民照曜

壽域之光華私心跂抃莫可名狀謹極思殫智擬撰
栢梁體詩二百句式備舉書昭示奕禩謹稽首頓
首以

獻其詩曰

皇帝萬壽巡四維七旬庚子初開支元貞運會乾隆時
四十五年則榦梨敬

皇天法

皇祖治邊矣

國肇天東陲我

皇卽祚洪丕基西北二萬榦嶠巒版江之源表峨嵋涵

濡有宥昭南離

功德肖天越姪媯於時天下方大釐始和頒

詔咸聞知緬

列聖德浹髓肌繼繩

壽域大福禔嶽瀆沈蘊侑

神示

哲后

先師官薦匪

賜賚宗室中外禧周百執事學官比孝順義節旌所司
絹米惠表百歲耆築除橋梁葺廟祠滌滌宥罪徧

羣黎先歲普免租櫻穀毋耗雀鼠民膏脂惟

皇帝壽咸樂只

皇帝南顧河江渭曰春省三今遲遲越十六年乙庚期

南萌溪

翠華旛旛其考禮舉慰厥思諫吉春正月庚寅駕龍輶

蜡捐軀夔

發神武門闔闔蹕蹕釣魚臺揮蘭猗黃新莊率西山迤

宏思松蓋鑾瓊賚度先鋒坡懷鼓鞞軒轅涿鹿呵

驅祇四登不遑人帝師存問三家膏雨犁紫泉水

沃赤縣麌澮浹白溝戰壘嘔趙北際又燕南垂

聖祖靈沼恒在斯親人魚鳥波渺瀾江南思

幸選先滋毛公舊館引金錐河間表彰古禮詩宿宿思

賢村獨歸

行幄丹黃四庫披紅杏園花春酣萸熊安生宅北學闈
太史陳風樂何疲望望開福塔不欹南北劉智社
叟叟恩泉梁濟黃河崖鬲津道耕平原苗齊嬰邑
古張輶轎潘村結構崗之陦密樾供

眺圓峯繁靈巖僻篠石竅吹元獎栢指

天藻摛鐵袈裟洗泉味飴希有佛現方頂魑禮觀世音
刻纍纍遂循白鶴岱雲觀中水行聽泉林颺康成

注經書帶蘢蘭陵大儒荀家遺

帝來萬松蒙山坡問官里曜雲鳥姿程子領蓋鄰子諮詢人元契東魯岐龍泉大道黃流墜夏舟唐垤

眷民咨百靈帖觀順河伺咫尺龍風溜斟卮

七騶六御淮行輒邗溝梅萼拆涔濱天寧高旻拈花

資大江錦浪浮玉崔

帝五來閱天水奇石頭雄固焦茫迷赤瞰照江天無私

南北歌舞驪旌旗扶觀臺耄跳童兒三義閣轉鷁

獮獮惠山園舸舟亭櫓吳波玉朗淪瀾漪虎邱見

勝

御楫倚五松
礧砌倪迂爲
宦光濯石中
孔虧千尺雪
墨香雪枝天
屏上房媚蜃
巖琴臺峩峩
我湖遙睨要看
七十二峯匯
東西洞庭程圓法

皇暉錦爛以布
綦六日峪向南
斗移平塘欸乃泛
古檣三塔斜照烟
雨疑石門取道

觀海涯寧安瀾
園水中低絡石
下椿杆若堰日母
潮角胥種掎海門
正練增水澌錢塘
會稽斗浪危不勞
三千射水犀明德
遺石奠嶼螺我

皇臨築萬載
隄越山吳地履
磨砥湖光十日
天顏怡聖因
締造紀康熙我

皇繩

武遊豫宜風
篁上上峯
髻南屏山色圓
周墮銀牌玉戴
千年麋凝神
夾輦攸伏來
六橋三竺神仙覩
帝爲康功來
匪嬉毋庸蓮華覽
神尼葛嶺清淨侈
何居

瑪瑙增美

帝曰嘻不惟丹刻
惟土茨省方致意是訓
綻爰

閱水師校熊熊兩浙十閩
樓船蔽重臣介胄督與提鯨
鶴鵠嫋偏禪六和高塔影參差

皇帝臨觀示止齊陌上花承

鑿輿隨石門沿緣吳門倚蘇腴常秀看不辭蒜山出口

金山凝此時江心試

御繙龍潭松鱗六代皮棲霞幾撫徽君碑卑高峯頂臨
江巘

帝宿宿此薰蘅蘿南士奏賦千有奇

詔大車載枚馬攜百年就問徵冊刀登名禮部心則懷
江浙處處歌采芝作人

壽考儀賦鳴燕子磯又嘉山馗再

陞于攝金三躋四月仲呂律先蕤綠楊城郭遲

金軒海棠庵樹平橋蟹廠名直隸薰風靡徐陳村過
問夏畦甲口水營鱗之而魚莊鱠舍

詢陋卑吉行幾日度工施韓莊有閭高堡籬徐州帶郭
黃浦浦

帝來躬禱肅幣珪河伯效應天稷麗往來相應捷電遣
自韓莊

還懷跋胝新挑河邇濟寧陴長溝老口遂嶧嶧珠泉石
屯攢若櫟四女寺懸日孜孜禹功遠矣

勤自惟道合德州

六飛馳十日

正殿麗金鵠臣聞勤民潤農羲五載五巡書典貽周
官毛制考子姪竝海秦刻非實欺漢唐誣誇殊祇

台宋後冊檢荒古追前朝閉聰綱大弛下民情隔
自生疵八絃空張失柱檣

世祖受命全有之

聖祖至德天篤毗六巡渡江人戴

慈膏沃下土樂喙跂

世宗嗣位敬益持我

皇紹休弼丕丕志承于

考

祖克仔自天窺管海測蠡式廓以武文用儀東準亢角西
參觜繫北戴斗南揚箕油油雲覆布濩彌天行以

健

壽惟祺久道不已民

念茲五舉

南巡省耜耒溝洫盡力勞亟天下治安逾

謙撝惟

聖德準詩書推七旬萬年歌壽倉

皇自敬德

天佑綏小臣詩附無逸詞

南巡賦代劉文正公作

天子龍德旣臨飛飛陽陽以守于中軌云歎戈蜀徼禮

魯宗十唐九虞西沙東澥天周而職媒將

巡狩乎大江之南于是歲行協洽重光曰辛迺驕迺鸞
撫麾闔闔而闔天門兮詔星辰其列般振玉衡當
九垠兮招搖輜乎中春燭龍裂眦豁晦合而照大
昕兮六羽鶴而翻翩修熙之家狀美犇相送兮祝
融窺眶迓而捧輪芬踰蹠以距跋熙而思慕兮勾
芒孽收羨遼皆而不得攀蒼龍委麗於擇髮鬱兀
其左右兮背元螭面朱鶴

皇帝迺睠軒轅而睂伊耆兮齡五龍槎明河兮瀝大江
日母月妃姬媯媯璇珞螭蟠赴螻歸嬉郎都翬翬龍

龍天精地符驥天都而警

蹕兮璀璨玉軼鷺羽之灌瀟灑燦也堂赤竈以指南兮
五旂批而門覲鼉蟬陸而鵠晦兮宴裸山而狼綺
龍章虎旆弸彌陽駭菱林而涉水兮怒形龍與淺
牋披蛇笈之中澤兮揩鳥牕之上阪

駕八龍之畔岸芻霍左飼驅右白灘而前山子兮控綠
蛇與紫燕咷日逐而并一兮駢背奔而莽萬方將
蹠靈靈跨鵠鳴趨九瀛而遞五嶽兮偈焉南遊曾
不得其俄暫于時六飛初翥似跡所詳消湧波潮
河淮相盪內觸搏以訇訇兮外汎汎而正強高岩

嶺其汎星宿兮萬里走而不僵兩瀆跋汎而闢
兮橫堤老而獨當將攏三湖九江而通氣兮陽侯
蜩儻俯闕乎層城廻想媧皇之孫驅蟲鱗而築龍
門兮陋炎劉之宣房躬腠胝負薪而塞瓠子兮羌
莫踵乎焜石而壓水狂于是築淮之脊梁河之面
推金則絪地數十鑿石則倚鍤百萬巖然高岡之
峯嵬嵬投兮中頽仰而不見忽遷汨糾蓼袤以坑
衡兮狀老羸兮當道攀鬚而嫋嫋王爾引墨而目
搖兮奚斯揮斤而腕顛鳥衛恧其精誠兮夸娥悔
其龜幹釁哉美乎

天子神工削而截辟兮白龍驕而不敢犯更厯萬古長
若此之澹沱漏漭兮若斟江河而在柂棬遂翼萬
鷁而橫江津兮金焦岫以鑿艤覽天地之險闊兮
赤岸赧駿燒其波旂旂絳縵軸蘆葦颯兮

詔六師麾五戈裂缺上電而燃下淵兮手刺青虬而足
白鼈金翎三萬而火龍十二兮越射唐魚而燎周
鳥拔龍淵使斷瀨兮騎璫臺涉神注翔陽流光乍
撫轡忽逸駭兮日羽月羽棍而相擎囷囷顛顛千
軍騰裝山竈而水井兮慌憮兮若馮遲太白馭六
雲霓而九蛟蟠若海神以紅帕首而朝神禹兮

鱗張曠動怖而恠奇于焉

大閭誠武雷驤虹翻菟金石而昭典則迺沼廣陵而登
會稽兮觀夏后此焉息嶺嶪歸嶧宿窪辟篠神靈
廖兮其幂幂也瞻硝蹀蹀跕趺燭闇內躬躬兮嗟
靜直也下澌澌而滌潛兮上曉曉而崩芳厥高岡
乎其不可得而畧測兮瘳九山川盍其作極儻天
地之長勤兮惟姒氏其明德曰先精授而後神與
兮揆四千歲之卽爰

降覽乎曲江兮橫古今之駭濤羲娥陰火以鬻蘋兮海
童羽裳而推潮瀾瀾測測油油灔澦氣瀨瀨以破

硪兮吳胥越種跣而狂趨目其狀也若三千劍士
夕兮脫兔蔓兮處女閃峩峩而飛刀耳其響也若
五都九馗羆躡蹠喝駁不可擊兮鷄犬市人同聲
而躍其汪漭而騰跳也若大鳥兩翼厖六頭翩
翻二儀而礎五嶺兮秋秋鱗鱗勢不得休其迸散
而歸墜也若朱明之焱而杲杲兮雹霰霜雪當空
而消枚叔擣舌而色變兮錢鏐之矢射而倍驕精
曠曠其睂睂兮神皎皎其相招狃大觀以造天兮
孰雲漢之能高彼夷光之湖與闔閭邱兮不趨九
牛之吹一毛當斯時也巍遊極觀天發地施

皇帝方駕九塗路五釐靈壽杖摸篠蒲具和漏漏洞洞
奉

皇太后以出所以深思淵搜舉書動儀合乎萬鄧懼乎

一人夫其馳黃驥華四登五月之所事衡嶷瞰而熊湘
浮獨賦貢助徹之萌擢顏閔游夏之姿率土冒海
見其

大孝湛澤咸觀咸來惟

聖母溯厥初生環天之年無有極涯挹丹雀之九穗兮灑
流雲之霞襲服之得道而後天兮精神頽而始壯
棲乎神農叅龍之圃步乎天老降鳳之宮轄雲車

之靄靄兮鏘鏘六轡灘岸而瞻轡行拂若木而泛
咸池兮御飄飄而遊遠颺廣廣其寥廓兮宓泊渡
乎五河下臨崑崙而作銅柱兮贊青琴而睇黃娥
嫋嫋婉婉虎首戴勝忽見西王母兮上瑤臺而胥
歌羌越萬歲而長年少兮靈冶穹窕嫋嫋麗顧
而睂波上凌雲兮下超光同天地壽兮同日月明
厥回輿以正志兮崇節儉而侔精剛于是法輶

上帝昭殿

列祖秩奠川麓嶽帝英鬱王核祥光出河靈苗天來廣以
明都幽都輪以陽谷昧谷春皇撝白龍夏后提黃

龍秋官控鴈青冬帝捐裔皇奇毛神翮巨鱗明蟲
元潛騰湊窖窖蝶蝶厓抵壘采兮川投夜光豐隆
道兮聲鞞鎧

恩汪濶兮溶湖江于是

帝車焞啴來還於都闕四維兮從六幕澤蹠馬兮山輶
車匡紫宮兮剽鸞鸞成功備兮羣臣歌天瑞香兮
昆中外風雨龢兮陰陽會爰拜手兮四巡配頌曰
蔚蔚南州山嶽峴兮

皇帝狩之航大江兮圃澮硃渚黃淮門兮瀨石磬碧
聖所構兮五月而南堯與舜兮上自會稽禹以爲正兮

赫濯其巡將所事兮日與月輝光天地兮穆流叫
拜百神綏兮南炎北頃靈往來兮

王者之舉昭法制兮用保于世世千萬歲兮

聖謨廣運平定準噶爾賦

維

大清受命

列祖

列宗天擣地垠日月之中四海之外我臣我隸今

上卽位以來修舉典制謁

三陵幸闕里登東岱巡乎大江之南以省問民事西南平

金川東北蒙古諸部悉爲內藩

天子歲嘗冬狩木蘭所以講武而威

天顏焉近則俄羅斯高麗琉球安南數十國之屬奉朝
受贊遠則西洋之域槎海晞日者以數萬里計莫
不循東風謹方物十年而一受吏

皇帝曰嘻上下兩間孰不予以臣惟西荒準噶爾實有元
之臣僕據西極之沙鹵策妄策凌世惡誇詬遠作
不靖爲邊萌苦昔我

皇祖聖祖蓋親征三駕其部

皇考世宗所以命將出師欲殲其魁犁其庭而翼其子也

粵

二帝未克翦之志付畀其在予予一人念之二十年一日
其敢暇夫其道里之寥闊瀚海亘乎中央宵溺漫
以秋春草木失其青黃飛鳥下啄而譙羽翼獸索
飲賜進而狂羲輪下燒乎空磧水泉涸而不揚平
沙汨其千里仰天蓋之茫茫內屬龍堆外薄葱嶺
樓蘭車師取道越境負康居而擁大宛敝克五色
天馬之影其俗控弦耆酒而猛域中萬里有衆四
部台吉宰桑逐水打牲各治處所儻聊走徙剽若
風雨人不知信背欺面詐蠭爾抗衡利我寶貨天

侈其心并蛙自大蓋自

仁皇

憲皇秉白鍼杖黃鍼方宥夫驕黠絕遠之誅乃彼昏不知
兵在其頸而羌自活也人之興妖鬼神助之于是
喇嘛達爾札以孽子行逆達瓦齊以亂臣竊據哈
薩克之師掠其邊場噶爾丹多爾濟之衆守其部
署渠魁酒醉箇曲惶悚迷鹿昏鳥顛倒跳翥以故
台吉車楞車楞伍巴什等暨阿睦爾撒納等去逆
效順畏蛇忻雨欵闢而顧乎

上國者萬有餘戶

天子曰咨其厚勞來者朕將享之燕河以親決所便宜
惟十九年秋七月

皇帝至于燕河受降者朝于是蘇頌附墨之屬與鞬
匿之曹雜還歡喜齧呀詰贊名王兀其屏息撞大
鏞而伐鼈導廬列而拜舞循鉅礮而上高櫓

天儀于咫尺步震恪而不躊赤日瞻其照心敢自外于
荒要降侍燕而醉飽樂無涯乎所遭曰

天子其福我願先驅而負弢乃用

錫命乃賚赤鞶于喀爾喀處其部率渺雄畧與大度威
推心而置曠九月

皇帝有事于

三陵而躬默禱出師于

列祖之寶城謚思精意神明周流陟高山而降原想風雨
之未收手拊摩乎弓矢似乘翠黃其來遊目若疑
乎望洋耳若揭乎貽謀曰元孫其上告在西戎之
巨曾彼榮薦其部人

皇天赫其鑒剴繫世擾我籜籬固

列聖之所讐獮駁鱗其沄集獸窘豺而坌投請洗兵以救
焚紹我

祖之用休然後六飛翶翩回輿乎京師

天子曰嘻自準噶爾逆亂不道數十年于茲厥野燔魚
牧有獐鳴

皇天命朕中外稱制實惟五刑之討九伐之灋在我我其
出師誅厥大憝以救頌黎爰

命將軍嫖西北而竝進以其來者爲副將軍授之節鉞
致敵而前參贊諸臣左右厥功謀成勇發鵬攫虎
蹲燁燁焞焞天兵出關於時軍容之所叱搗師行
之所經涉霆聲電芒摩拂歛欵騎以龍文魚目之
馬被以文繩通犀之甲利乎婼羌鄯善之鐵險乎
懸度風灾之峽凡夫西戎長技之所恃于焉倔彊

者蓋我師不煩勞而戢晉而況乎

天廟之算神武之籌卽用其人以決其捷所以有征無戰問罪人而弔國邑固嗒然彼醜之若兔蹄而豚荔也爾其師律所向闇闔廣張地鼓鳴而裂堅天鑪燒而照空呼三軍而作氣雪嶺蒸其中通長途憇以飲馬階流沙而行康莊先聲噶而動九天瞰投戈乎烏梁繞免嶺而踰索爾驅凍雪而不僵率二馬木特之所鵠蚌門而相戕我軍闖其探穴拔兩猛乎鹿雙廻遺壯士賚

詔馳重驛而告令曰我誅其敗羣而牧夫牛羊嘻來者

爲我貔貅而用執爾貪狼遂跋乎噶爾丹之部其
台吉來效忠願出兵以載橐鞬處者櫟而不藏乃
有額林少年兄弟宰桑暨和卓木之戶捧玉盤而
躡躋儻三股于俘寶獲其人之尤良是時大軍蓋
莅乎五集賽也聞酋首其酒荒咸厥角而誓前旗
狀飛霰沃乎沸湯拊布錫而幃庫特擒賊使者以
降轟大纛其行野麾乎博羅之源而搜山梁陘隘
崇峩萬里空濶寶露雀穗所過飢渴覆冰而喧肉
骨而活鹹絕域就乎熟路廣袤險易若作甘霖而
滿蟻穴惟羅卜藏丹津昔青海之叛藩敢逋逃而

燭敵不卽誅者三十餘年日殼下馳塘臂力殫三
頓二頓投身轅門將軍執之檻車送行有巴朗之
二醜鴉在林而忽驟閃列缺以下搜炤三窟而收
游魂罪人纍其旣得焞萬軍而諱謹粵以二十年
五月剗我師直抵乎伊犁諸部台吉率先爭來自
河之南極河以北杖戈服劍面東背西咸願出兵
執劖瓦齊喇嘛回人黃弁素佩牽羊鼻酒除塵進
灑台背黠額婦子稚孩距踴左右日夜我僕以故
皮幣壺漿之誠顏色溫謨之態懿清日潔諒諒熙
熙若民生不知挾夫弓矢而謳謳匍匐今日廻見

天子之德威於焉掀六幕罩九塊五精握兵風與雲隣
妖鳥因而跼翅狂獸窮而側掌撼震幡而懸月鏡
光不逃乎魍魎空漫漫其失路上直視而目矓山
林欖其駭人俄藏身而疑影甘自首而怯內憎高
厚而俛仰夜砲鼓其乍轟萬馬嘶而脫鞅蹲渠魁
其墜心羣醜橫分而不黨遂盡收其毳幕而俘其
少長彼達瓦齊迺蹠跚躡躅迷穴伏莽走和集斯
伯克澌乎橫江之鯨遮而投網曰俯取以燎而我
用休享夫其出師半載以往戎衣不更綻帥糧不
數餉唐弓夏箭未嘗抽長戟利矛未嘗盪韜策之

士無所發其奇責育之倫無所試其勇而自東行
西萬里大廣下刻土版上列宿景樹之藩屏丁其
祿襁惟

皇帝神靈被格古無以上意者天將饒媯德而屆嫋妙
跡而昉也大捷布聞四遠照曜于焉鸞輶和雞人
臨大禮盛樂鎔鏘旛旄用告成功于

太廟羣臣同聲請止

尊號

皇帝曰都予仰惟

祖考明德非常之功自遠來告非予一人之力羣臣歸德

于予朕恩遇焉惟

皇太后聖德自天所極東西南北輪廣昄暉罔不心服矧
西戎萬里近在九譯者哉朕臨天下亦惟蚤夜祇
受

皇太后之教用集大烈如天之福其崇上
徽號以展朕意羣臣咸頓首曰俞哉

孝德六月己酉

皇帝躬至于

壽康宮奉上

寶用鉅典焜煌仗列華焱羣臣次進升歌樂洽

御太和殿拜舞在職于焉冠佩之容鼓吹之節以導以
逕春麗山肅上乎天安之門翥金鳳而詔萬國
詔曰五嶽四瀆帝王之藏命官致祭出師諸臣嘉乃偉
烈其爵賞以次中外在事諸臣汝勞用敘京師文
武百職事有晉級有加賚越歲春秋試天下士其
廣中式者所在錄囚輒減赦其罪禁嚴讞免逋貸
存問無告恩典三十與天下大治然後按鑿鼓之
律考藁街之制軍以俘來獻于

天子御午門而莅焉繫頸施佩牽入十步挺鉅鳴鼓百
僚咸在司馬上請曰司寇是司所以昭示誅宥惟
帝所置莫不跂然而觀達瓦齊之俘至日偉哉今日大
武之裔皇而鉅典之旆噦也由是崑崙之西身毒
以外思慕威德咸請屬隸握江歷之珠璣獻壽林
之蕙翠師子大雀四靈之瑞古黃茲白萬里之騎
玉門簾金天嶽陳幣自日入所溯日所出以騰驤
于郵驛者灼燦乎其相繼于斯時也百年見虞樂
周禮之興六職由文事武畧之選四民以十言五
教爲常九海以丹甕白琯爲近由榦而枝萬末一

本而况

天子黃幄獨斷萬里之外以通未嘗貫一鑄染一鋒者
奇功也奉

皇太后讓善崇名敷其文教至以窮髮之北爲玉食地供
娛色笑古者以天下養安得較乎此大孝也天下
由是歎然而稱曰巍矣極矣莫與則矣而

皇帝方淵然雲牖松棟肸蠁饑假之是卽與夫

列祖

列宗所以震鬯思默者方且凜顓頊圓矩之訓慎伊耆山
垤之戒前陳宥坐之器旁求芻蕘之得日珥星景

而所其無逸夢牧卜獵而箴于有位黃雲大穗輸
其祥而一夫勤乎扇暘白麟奇木昭其應而四維
稟乎朽索左詩右書鏘金戛玉乃召夫庭堅伯翳
之儔日月朝夕相與勗都俞而徹吁喟若此乃所
稱

至德也曰三至善而不居遵皇極之正路用垂則于世

世在金版與玉縷惟小臣之蠡測爰珥筆以奏賦

聖駕閱河賦代作

臣聞飲河之羽未足以測溟渤之寬沿波之卉竊

有以喻膏澤之專

臣蒙被

恩澤版籍坼甸百年海瞰四世詞垣往者

聖祖仁皇帝六御繆纏

躬閱河于天津

臣曾祖某

臣祖某

並獲扈

蹕仰見

仁廟陟降指畫民事之是勤今

皇帝重有事于河淀

屬車所巡

臣復得

以文學侍從

而與于辰罕豹尾之間

斯不世之榮也而况

天子覃恩淵惟實繩

祖武相度機宜升覽堤所夫且原本乎古聖盡力溝洫之

至意而

睿慮所周

湛恩所滅乃先淪浹乎臣里桑梓之土誠稱之而不能
殫其利述之而不能名其樂竊見閭閻安其息作
鱗屋蒸臯雉舞雀躍粵惟百餘年以來近畿數百
里之間猶

聖人之屢勤而小人之屢獲也

臣敬陳之請賦其畧歲

在疆圉月爲極如秦王夏運斗車八神南蹕五輶
東驅順勾芒以執規環勾陳而屬輿轂蚩戚于涿
鹿趾趙尾以騶虞日晶天碧綠原黃衡翠鳳飛揚

煌爵頡魚鱗媯翹婦杼氓鋤大化之景吉行舒
舒祗璇題之蜩螗肇清問夫滄渠

皇帝方將周觀乎析津之下澗而

巡歷河堤以講求夫沾淀之渝濬也呀蕩蕩之海水莽
莽平東瀛帶天都之百川北徂南而合併

京師之南曰四大川沙河合易近南桑乾西南滹沱
清漳濁漳二漳合衛御河所經京北川二白河鮑
邱東北曰灤千里獨流撫鮑邱與諸川入海道于
直沽駭絕塞之灤水橫放意而自如灤故曰濡出
泉于炭急流商都沿以柳箭結九道之邊流闢樂

亭而海見若鮑邱之過潞岸沙白而得名石塘瀘
湧入通潞亭西迤折于張灣桑乾挾而東行桑乾
索涫源于累頭蹈擘西山下走蘆溝其一支爲巨
馬小直沽之所由流渢渢而逾濁會高麗于鮑邱
易水并浸三源灌輸中溜巨馬亦亂小沽別流滹
沱入津與俱滹沱掛乎大戲飛五臺之冰雪古祀
尊乎惡池過郡六而激越岔口衛入若飲投渴瀘
瀘衛水蘇門自來東北走濱觸淇而開是曰

御河與董氏怡館附西漳澇澇同歸二漳之源南北
判流清漳大鯪濁漳發鳩匯于臨漳下與衛浮渺

衆水之殊別倣百變而終同灤獨入而漳衛合交
滹沱與易逢易又合于桑乾闖白河而底通清濁
錯而五色南北遭乎八風賊天東其何極响直沽
而朝宗天津所治大沽小沽小沽首受大沽腹儲
啖千條之匹練騎廻腸而九紝珠濤爛爛而旁歎
金堤屹屹以中孤恐潦水之時盛或震撼乎澤居
是有橐鑰在淀與閘淀渟以舒閘洩以捷舒之以
收其滌漫捷之以縱其沖溔同功異施開闢暝曉

皇哉

聖謨禹績是躡昔子牙之所沿當滹沱之下澁絡溢水

以入淀迅流喧騰乎三角

聖祖躬視兩堤是築東開新河其流綴穀王口趙莊二支
三灘湜湜截其門濁大堤脆弱而不安

世宗有命障其西流旁淤正澈會於臺頭泊于牙之東徙
岔口溢爲東支

天子乃敕河臣改經流而濱之歷青靜以達津若斟酌
之在杯水歸壑而土沃桑麻苗其蕃滋

聖人之所擘畫妙順性而因時今茲來觀載考其宜式
前訓于流泉念小人之知依越津南之大堤鹹沾北而列

五大閘之口次南以數賀家何家灰堆白塘雙港

新築塘堆中央是謂六閘用洩積水七十二沽諸
淀出此放于海河東走萬里每歲行之夏溽雨注
川而流駛蒼蚪怒而跋浪垂天池而三洗浸萬港
爲鉅盤僵鼾眠而不起羣汎澆其寵寵睜出首而
隱尾衆淺積而一深衆支合而一體狀彊啖而逢
餧羌屏息而欲喟六門洞開萬壑歸始汨汨日夜
軒目軒耳今我

皇之來遊迎桃花之春漲繩金堤之如繩繫六鑑而相
向塘漫漫而內沃瀆瀛瀛而外曠于焉
指其左右

覽其上下玉騶一嘶波明風暢是日也

天子遂升乎望海之臺瞰朝暎之所浮熙九環之方宴
海若安而靜流

日予來其爲民事而非卽豫遊其免所過租十三而乘
和以布休繫

聖人之所幸實寒諮而雨謀於是民功奏

天澤悅然後召春蒐之儀考梁鄒之節禮也爾乃營號

水師陳同魚貫羽林出乎

紫垣壁壘分乎赤縣地濶則名別鵠鵝軍整則士皆

組練

天子乃御鷁首

觀鱸河戴卿雲鏡激波尙書奉簿元戎誓軍靄礮裂空
以作服杓始澹澹而騁睇澄俯水而仰雲勺逐響
而一合萬舟輓其飛輪金刃利而火疾爛空明而
澈天瞽過目于寸息舟焱散而礮震申令不待夬
三五耳進退于俄聞神合身應延龍常蛇推師之
律我

皇用嘉飛雨疾其灑河颯不見其所加于焉

詔論功示行賞旣

賚虎旅言旋鸞舫五旬咸飫七萃擁仗夫乃容與乎

文囿之偕樂而商皇子

法宮之共仰于斯時也除積滯廣資施庶士興無刑期
壁壘懼魚鹽綏從官慶靈神祠三灘中間接格淀
堤相減河勢石工用宜濬五家務三岔不泥谷家
吳家消漲通陂惟

皇出入惠無留遺

詔書所下吏布大釐臣竊見都士觀于盛典野農歌于
多稌在陸則咸沃其膏在澤則咸奠其居童踊躍
于通馗耄笑語于側廬懿哉肇

列聖之嶠覆而我

皇之究極也近諤之人何其幸歟惟

皇帝之惠民實在宥乎天下遠底績于江河邇及澤于
庭戶先本仁乎東瀛舉漬四而全付渺含生而知
潤偕暘暘而雨雨小臣身濡而目灼謹稽首以獻

賦

筭河文集卷二 終